

1 UVOD;

1.1 Pojam i predmet radnog prava

Današnje shvatanje nauke je različito. Koliko ima različitih pristupa, toliko ima i odgovora na pitanje što je nauka. Općenito se može reći da je mišljenje šire od naučnog mišljenja. Nauka nije jedini oblik racionalnog ljudskog saznanja. Ali to ne znači da se mnogi saznajni problemi ne mogu u mnogo čistijem vidu ispitati na iskustvu nauke, nego na iskustvu svakodnevnog života i zdravog razuma, što je jedna od karakteristika savremenog svijeta.

Naučno razmatranje karakteriše se danas objektivnošću, povjerljivošću, preciznošću i sistematičnošću.

Nauka se može odrediti kao nastojanje da dođe do takvog objektivnog saznanja koje je moguće provjeriti i iz kojeg je odstranjen subjektivizam. To znači da u nauci se *ništa ne prima na vjeru* i da je sve podložno provjeravanju na objektivni i sistematičan način.

Polazeci od takvog shvatanja nauke RADNO PRAVO se dvojako posmatra:

- radno pravo, kao grana pravnog sistema
- radno pravo, kao grana nauke - nauka radnog prava

Opšti predmet radnog prava čine pravne norme koje regulišu društvene odnose koji nastaju, koji se mijenjaju i gase povodom i u vezi sa pojavom koja se označava kao rad. Zbog toga se ispravno ukazuje da je pretpostavka za postojanje radnog prava kao nauke postojanje posebnih specifičnih normi radnog pravnog karaktera. Zato se, pored pojma radnih odnosa, utvrđivanja izvora, pravnih akata, posebno koji se odnose na opće izvore, javljaju i osobni izvori radnog prava (kolektivni ugovori).

Nauka radnog prava je jedna od pravnih nauka i njen opći predmet je izučavanje radnih odnosa na jedan sistematičan način.

U predmet i sadržaj radnog prava spadaju :

- regulisanje radnopravnog odnosa kao osnovnog i najšireg predmeta radnog prava;
- regulisanje instituta, institucija i odnosa kojima je uslov radni odnos;
- regulisanje instituta i mjere zaštite koji su u vezi s radnopravnim odnosima (npr. uslovi rada, koji mogu biti zdravstvene, socijalne, pravne ili druge prirode).

1) Dr Vladimir Bazala : Pregled povjesti i znanosti „Školska knjiga” Zg, 1980.